

天鎮縣志卷之四

知縣張坊補輯

驛站 鋪遞附

三百里程途十二時定限泥封羽檄豈細故哉至郵亭之設所以繼馬力之不及也供役者無容懈弛主持者尤宜嚴飭豈任其坐耗國帑重官驛爲耶志驛站天城站係極衝東至懷安縣六十里西至陽高縣六十里南至楊家莊五十五里北至馬市口六十三里西北至陽高鎮門堡四十里

額設驛馬七十四舊係天城營管每匹每日原額支乾銀七分五釐雍正四年每匹每日裁銀八釐五毫每匹每日實支銀六分六釐五毫在大同鎮兵餉銀內支給雍正七年奉文歸天鎮縣喂養其草料等項銀數在驛站項下支領乾隆三年奉

上諭每馬一匹加足草料銀六分每匹每日加銀二分四釐四毫每匹連棚廩鞍屨等項共日支銀九分九毫共歲支銀二千二百九十兩六錢八分按大小建扣算每季在冀寧道庫領給

額設馬夫三十五名每名每日實支工食銀三分五釐共
歲支銀四百四十一兩按大小建扣算每季在 冀寧

道庫領給

額設廠夫二十名每名每日實支工食銀二分七釐七毫
一絲八微五纖五沙四塵四渺五埃一漠共歲支銀一
百九十九兩五錢一分八釐一毫五絲九忽二微四沙
七塵二渺按大小建扣算每季在 冀寧道庫領給

鋪遞

原額鋪房五處鋪司十名內

本城二名

東路張西河底二名枳兒嶺二名

西路二十里舖二名三十里舖二名 每年額支工食銀

三十八兩二錢雍正十年又添給工食銀二十一兩八

錢每名月支工食銀五錢共歲支銀六十兩

東至枳兒嶺直隸懷安縣界三十里西至陽高縣二十里
舖四十里爲孔道按舖接通南至陽高東并集九十里
北至瓦窰口三十里新平堡六十里豐川衛一百里爲
僻路未設舖司凡往來舖遞公文例係汛兵接送